




A. LAURENTIUS


De vita Hominis.

Hafniae 1586.



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1050 4°





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1050 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1050 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1050 4°


3. - 103.


DA BOX

LN 1050

M







XXVI.

THESES
DE VITA HOMI-
NIS, DE QVIBVS XX. APRILIS,
IN AVDITORIO MAIORE
disputatio habebitur,

Præside

D. ANDREA LAVRENTIO, S. THEO-
logie in Academia Regia Haf: Professore, Respon-
dente M. ISAACO Gronbeccio
Coagio.



HAFNIAE,
Impressit Matthias Vinitor, Anna

M. D. LXXXVI.

Johannes Andrea R.

*Homines nos esse meminer
ea conditione natos ut om
fortuna telis proposita*

10. k.

Psal. XXXIX.

Notum fac mihi DOMINE finem meum : & mensuram
dierum meorum quæ sit : vt sciam quod esse desinam.

Ecce palmos posuisti dies meos : & tempora mea sicut nihil
coram te : quam nihil nisi vanitas omnis homo securus ? Sela,

Eheu quam sicut vmbra pertransit homo : & quàm vanè
soliciti sunt ; colligit & ignorat quis ea sit congregaturus.



Theses, de vita hominis.

I.

Vitæ hominis consideratio, eiusq; notitia, quantam quidem in hac mentis nostræ caligine assequi possimus, homine inprimis digna est.

II.

Ea enim percepta, & in nostri cognitionem, & Dei Opt: Max: potentie, iustitiæ, Sapientiæ & bonitatis admirationem, adducimur.

III.

Quare propositum est nobis de vita hominis non renati, & renati pauca quedam ad placidam & amicam *ῥήσιον*, eruenda atq; confirmandæ veritatis ergo, in medium afferre: quod hac vita, & ratione, Deo iuvante, à nobis fiet.

IV.

1. Vocabuli aliquot significationes recensebimus.
2. De vita animali.
3. De Spirituali.
4. De erroribus cum vera sententia pugnantibus dicemus.

V.

Quod Hebræis *Chaia*, Græcis *ζωή* à feruendo, & *βίη* à vi nascendi & crescendi (vt quidam voluere) id latinis est *vi- ta*: Cuius vocabuli vsus in scriptura varius est.

VI.

Enim spacium illud temporis, quo vita cuiusq; clauditur, & terminatur, significat: Psal: 63. Benedicam Dominum in vi-

A 2

ta

ta mea. 2. Vitæ auctorem & conseruatorem: Deut. 30.
3. Felicem in rebus gerendis successum: Psal. 30. Vita in fa-
uore eius; 4. Vitæ institutum. Sap. 5. Stulti vitam eius
æstimauimus furorem. 6. Felicissimum illum statum, in quo
cum Christo in omnem æternitatem beati erimus.

VII.

Has & plures, quæ occurrunt in lectione Scripturæ, vocis
notiones obseruasse vtile fuerit: ne homonymia falsi, in interpre-
tando à scopo aberremus.

VIII.

Porro vitam hominis esse duplicem (quamuis & plures
eius diuisiones afferri possent: nos vero hac διχωτομῳ. vtemur.)
Animalem nempe & Spiritualem, scripturæ vsu, & testimonijs
mox constabit. Ac de priore primùm, cuius hæc sit qualiscunq;
descriptio.

IX.

Animalis vita est Animæ vis, qua calore atq; Spiritu in
corde natis, & corpus animatur, sentit, ac mouetur, & homo in-
telligentia & voluntate res terrenas, mundanas, & caducas ut-
cunq; intelligit, eligit, & expetit: de cælestibus verò, & ad ani-
mæ salutem pertinentibus, minimè sollicitus.

X.

Huius descriptionis analysi instituemus, ut res, quæ hic
breui orationis ambitu comprehensæ sunt, euolutæ, & quasi sub
aspectum positæ, melius intelligi queant. Sunt autem membra
eius sex præcipua.

XI.

Eorum 1. Est definiti epitheton, quo Paulus 1. Cor: 2.
vtitur:

utitur: Iudas vero in sua Epistola definit eum animale, quē spiritum Dei non habet: ac dicitur animalis homo, qui naturali luce præditus, nihil nisi carnale cogitet, sentiat, & expectet.

XII.

2. Est de vitæ proxima, causa, nempe anima ipsa: illa enim corpus animat: Atq; ideo hæ voces anima & vita interdum permutantur in scriptura, Iob 10. Psal. 73. Mat. 5. Luc. 12.

XIII.

Aliās Deus est vitæ αὐτὴ καὶ κυριότης. Est enim Deus vivens 1. Thimot. 5. Solus est Iehoua, Exod. 15. Solus est, qui vivificat Spiritum hominis: & solus est Pater animarum Heb. 12.

XIII.

3. Est de fonte vitæ corde nimirum ipso, quod principium vitæ omnibus partibus corporis impertit: quemadmodum Philosophus ille scriptum reliquit. Ac ideo vocatur primum vivens.

XV.

4. Est de κινήσεως & ἐνεργητικῆς actionum partium corporis instrumentis: quæ sunt calor & Spiritus in corde nati. Illud enim impertit quoq; θερμότης καὶ βιωτικὴ πᾶσι καὶ πνεῦμα quemadmodum idem Philosophus docet.

XVI.

De arterijs vero & venis, quæ sunt receptacula caloris & vehicula Spiritus ac Sanguinis: deq; admiranda ipsarum Sympathia, & mutuis, in accipiendis & reddendis spiritibus & Sanguine, officijs, Medicorum Scholis, ne alienos fines inuasisse videamur, disputandum relinquimus.

XVII.

5. Est de signis huius vitæ, quæ sunt sensus, & motus: sine quibus

quibus homo, sicuti nec cetera animantia, potest vivere.

XVIII.

Quæ hætenus diximus brutis cum hominibus communia sunt, ac pertinent ad eam animæ facultatem, in qua respiratio-
nis & totius animalis motus vis posita est.

XIX.

Habet enim homo similitudinem aliquam cum alijs creatu-
ris omnibus: ut ESSE cum non viventibus: VIVERE
cum arboribus: SENTIRE cum animalibus: INTEL-
LIGERE cum angelis.

XX.

Quæ vero iam sequuntur alterum vitæ animalis gradum
constituunt, qui in vi intelligentiæ & voluntatis positus est, ac
hominem à brutis, quamvis alijs quidem magni nominis viri aliter
existiment, discernit.

XXI.

Homo enim dicitur & est animal λογικόν, h. e, mentis &
sermonis particeps: cum reliqua sint ἀλογα, mentis & sermo-
nis expertia: Iob. 35. Qui docet nos præ iumentis terræ, & præ
volatili cæli sapientes efficit.

XXII.

6. Est de obiectis mentis, & voluntatis hominis non renati:
quæ sunt res terrena, mundanae & caducae.

XXIII.

Hæc non intelligenda sunt de rebus, ut sunt à Deo creatæ:
nec de ipsarum ordine, qui est virtutum Dei speculum limpidis-
simum, Rom. 1. Heb. 12: Sed de ἀταξία, quæ aliunde accesserit.

Porro

XXIII.

Porro Dei Spiritu destitutus homo, nunquam de rebus cælestibus, & vita æterna rectè, vt par esset, cogitat: sed de præfente tantum, brutorum propemodum instar, sollicitus & anxius est. 2. Pet. 2.

XXV.

Vera causa, quamobrem veram earum cognitionem assequi nequeat, sine verbo Dei & Spiritus S. operatione, est labes hæreditaria, & natiua in nobis, quæ vocatur ἀμαρτωλὸς ἀμαρτία: quâ præcipue vires, vt sunt facultates γνωστικαὶ & ὁρεκτικαὶ, miserè sunt deprauatæ.

XXVI.

Id ita esse: verissima Scripturæ axiomata conuincunt: cuiusmodi, ex multis, sunt hæc pauca: Caro & Sanguis, Mat. 15. animalis homo 1. Cor. 2. Idem Apostolus Eph. 4. menti, quam vocant ἡγεμονικόν Vanitatem: cogitationi excæcationem: & cordi obdurationem tribuit.

XXVII.

Quæ quidem actionum principia cum ita miserè sunt deprauata: non possunt non actiones ipsæ à norma voluntatis Dei, nobis in lege patefacta, deuiare, atq; deflectere.

XXVIII.

Inde fit, vt Ethnicorum, quantumuis nostro iudicio præstantium, nullæ sint virtutes veræ: sed earum εἰδωλὰ quædam & simulacra. Quicquid enim ex fide non est peccatum est.

XXIX.

Ceterum quod quidam eorum, alijs fuerunt moderatiores, honestiores

honestiores, & probiores : vt Socrates, Aristides, Cato : id quoque Spiritui Dei acceptum ferendum est.

XXX.

Is enim quibusdam suis donis, vt conseruaretur communis hominum societas, & effrenis turpiter viuendi licentia reprimeretur, eos instruxit. Iacob. cap. 1. Omne donum bonum à patre luminum est.

XXXI.

Ex quibus hæc duo sequuntur : 1. Quicquid veræ lucis in homine etiam non renato, reliquum est : id esse Diuinæ lucis radium quendam. 2. Ethnicorum scripta non esse aspernanda : quemadmodum multi malè indicant : sed magni æstimanda.

XXXII.

Idque duabus potissimum de causis, quarum altera est scientia, siue liberalis doctrina, & pulcherrimarum rerum cognitio, quarum præsidij vita hæc nostra carere non potest. Altera verò est pædagogia & assuefactio ad honestatem in vita & moribus.

XXXIII.

Periodus huius vitæ breuissimæ, & calamitosissimæ : de qua Moses Ps. 90. Iob. 14. Iac. Gen. 47. monebit nos : vt, posito animi fastu, moderatè de nobis sentientes : cogitemus de hærula nostra illa, qua decedendum erit.

XXXIII.

Hæc de animali vitæ, quæ mors verius quam vitæ nominari potest : Eph. 2. dicta sunt : nunc verò de Spirituali restat, vt dicamus, cuius hæc sit descriptio.

XXXV.

Vita Spiritualis est noua Creatio, diuinitus facta : qua, re-
missis

: id quoq;

communis
reprime-
n à patre

per æ lucis
in æ lucis
vernanda:

ra est vñ
cognitio,
Altera ve-
et mori-

Simæ: de
os: vt, po-
mus de ho-

vita nomi-
ali restat,

a: qua, re-
missis

missis peccatis, & nobis in familiam Dei adoptatis, renati indies
magis magisq; virtute Christi, carne mortificati, Spiritu viuifica-
mur: donèc tandem in vera nostra patria, perfectæ imago Dei
in nobis restituetur. **XXXVI.**

Huius quoq; descriptionis διαφωτισμὸν quendam faciemus:
vt res momenti maximi, quippe quæ Euangelij Epitome quædam
sunt, hic compræhensæ, propius aspiciantur.

XXXVII.

1. Itaq; est definiti epitheton, quod de duobus nos monet:
Vnum est, hanc vitam regeneranti gratiæ Dei in solidum
deberi: Alterum, homines huius gratiæ Dei participes factos,
~~ductum Spiritus Sancti sequi debere.~~

XXXVIII.

2. Est creationis vox, generis loco posita: qua in re sequimur
auctorem Spiritum Sanctum, qui per os Davidis sic loquitur:
Cor mundum crea in me Deus, Psal. 51. Paulus nouam creatio-
nem, Galat. 6. vocat.

XXXIX.

Hoc Dei beneficium vocatur aliàs regeneratio, renascen-
tia, renouatio: 1. Pet. 1. Tit. 3. Iohan. 3: ἀποκύησις vel partu-
ritio. Iaco. 1. Estq; qualitatum non substantiæ renouatio: 1.
Sam. 6. mutaberis in alium virum.

XL.

Natura enim hominis non est prorsus destructa peccato:
sed ita horribiliter viciata, & è bona mala reddita: vt su-
persint tanquam ædificij quondam magnificentissimi quædam
λίψα.

B

Noua

XLI.

Nova creatio appellatur, quod illa discrimen faciat inter vitam quam habemus ab *A D A M O* propagatam: & qua sumus filij Dei. Vocatur etiam gratiae: quod gratuito favore Dei, credentibus conferatur.

XLII.

3. Est peccati remissio, ex qua pendet haec nostri renouatio. Hic duo nobis quoque sunt attentè consideranda. 1. Cuiusmodi statu priusquam regeneremur, fuerimus: de quo Eph. 2. Eramus filij irae. 2. Dei immensam & incomprehensibilem misericordiam esse, qui nobis imputata filij sui iustitia, nos pro iustis habeat.

XLIII.

4. Est de nostri in Dei familiam adoptione: de qua Iohan. cap. 1. Dedit illis hanc dignitatem: ut filij Dei fierent, ijs qui credunt in nomen eius. Rom. 8. Isa. 66. Estque haec similitudo à civili consuetudine sumpta.

XLIII.

Vt enim is, qui filius non est, ex benevolentia alterius & amore, adipiscitur filijfamilias ius: ita electi, ex gratuita Dei misericordia & bonitate fiunt filij Dei, per Christum dilecti. qua dignitate nulla maior esse potest. Eph. cap. 1.

XLV.

5. Est de sanctificatione quae duplex est: una, quae reatui opponitur, quaque Christi sanguine peccatum expiatur: quae est pars iustificationis nostrae: Altera vicijs qualitibus opposita, est segregatio filiorum Dei, à profanitate illorum, quos
Deus

Deus pro filijs suis non habet : de qua hic agitur præcipue.

XLVI.

Partes sanctificationis, de qua loquimur, duæ sunt, mortificatio nimirum carnis, & viuificatio Spiritus : vtrâq; eximium Dei donum, & beneficium.

XLVII.

Illæ est depositio veteris hominis, siue innatæ nobis prauitatis : hæc verò est Spiritus, id est, mentis, cordis, & intelligentiæ nostræ renouatio : illa fit energia mortis Christi : hæc verò eiusdem resurrectionis efficacia.

XLVIII.

Cum enim mortis Christi participes fimus, aboletur peccati vis & naturæ nostræ ingenua prauitas, Rom : 6. Vetus ille noster homo cum eo crucifixus est vt eneruetur corpus peccati.

XLIX.

Renouatio verò nostri fit, cum resurrectionis eius participes facti, Spiritus Sanctus, discussa è mentibus nostris caligine, quam ex peccato contraximus, accendit in nobis nouam lucem : qua mentes & corda illuminantur, & inflāmantur vera pietate atq; affectibus congruentibus cum lege Dei.

L.

Idem Spiritus Sanctus inspirat etiam voluntati nostræ iustitiam, & sanctimoniam : vt iam cupiamus & persequamur quæ verè bona sunt : Eph. 4. Induendus nouus homo, qui secundum Deum conditus est in iustitia & sanctimonia.

LI.

Hæ nouæ qualitates iustitia & sanctimonia non sunt cau-

B 2

sa no

stræ iustificationis : sed certa indicia & testimonia nostræ cum
Deo-reconciliationis : Rom : 8. Quotquot Spiritu Dei ducun-
tur, ij sunt filij Dei.

LII.

6. Est de huius sanctificationis gradu duplice, quorum vnus
est incoatæ in hac vita : Alter est perficiendæ & numeris
suis omnibus absoluendæ in altera vita, quæ est vera nostra
patria.

LIII.

Quod autem hæc renouatio nostri incrementa, quamdiu su-
mus in via, quæ ducit nos in alteram vitam, sumat : probatur
multis scripturæ testimonijs : vt Philip. 3. Ad ea quæ à fronte
sunt contendo scopum versus feror ad palmam supernæ vocatio-
nis Dei in Christo Ihesu. 1. Iohan : 3. Nondum sumus id quod
erimus. 1. Cor. 13. Ex parte cognoscimus. Coloss. 3. vita nostra
abscondita est cum Christo in Deo.

LIII.

Causa cur hæc nostri sanctificatio sit tantum incoata in
hac vita, est peccatum hærens adhuc in natura nostra : vnde
facta est illa carnis & Spiritus lucta : de qua Rom. 7. Gal. 5.
Caro concupiscit aduersus Spiritum & Spiritus aduersus car-
nem, existit.

LV.

Instrumentum, quo applicatur nobis hoc Dei beneficium
est fides : qua Christo vnimur, eiusq; bonorum participes reddi-
mur. Act. 15. Fide purificantur corda. Gal. 2. Vitam, quam
nunc in carne viuo, viuo per fidem filij Dei.

Hæc

LVI.

Hæc fides creatur in nobis cum verbum Dei audimus, legimus, meditamur: cum qua auditione, lectione & meditatione, iunctus est Spiritus Sanctus: qui donum illud Dei intus in animis nostris operatur. Rom. 10. Fides ex auditu est.

LVII.

Externæ prædicationi verbi sacramenta adduntur: quibus promissio, quæ per prædicationem nunciatur, obsignatur, atq; beneficia Christi singulis verbi auditoribus applicantur: atq; hic generandæ & augendæ fidei modus ordinarius est.

LVIII.

Fines & effecta sunt motus, sensus, cogitatio, actio, cum lege Dei congruentia. 1. Pet. 1. Sicut is, qui vos vocavit sanctus est, ipsi quoq; sancti in omni conuersatione reddamini.

LIX.

Huius vitæ prærogatio à Deo petenda est, ut ipsius gloriæ præcones simus: Psal. 115. Nos benedicemus Iehouam ex hoc tempore. Et 118. Non moriar; sed viuam & narrabo Domini opera.

LX.

Perfectio autem vitæ spiritualis tum demum erit, cum, virtute Christi à morte excitati, beatæ immortalitatis gloria ornabimur, eritq; Deus omnia in omnibus. 1. Cor. 15.

LXI.

In illa perfecta regeneratione, quam expectamus magno desiderio, petentes quotidie: Adueniat regnum tuum: ita rur-

sus copulabuntur anima & corpus : vt eorum dissolutio nulla
vnuquam sit futura.

LXII.

Atq; hæc hæctenus de vita duplici , quarum vna est com-
munis omnibus hominibus ab Adamo propagatis, Mat. 5. Alte-
ra fidelium & electorum propria, ideoq; vocatur Dei vita Eph.
4. Illa mortalis , incerta , temporaria : hæc immortalis, con-
stans, & æterna : illa indiget pane quotidiano, cui vires alendi
nos, dat Spiritus Sanctus, 2. Cor : 6. hæc verò absq; panis ad-
miniculo seruatur. Regnum Dei non est cibus & potus Rom. 14.

LXIII.

Cum vera sententia, de qua iam dictum est, multi & per-
niciosi errores pugnant, quorum aliquot recensebimus : vt moni-
ti, caueamus, ne implicemur falsæ doctrinæ, de re omnium ma-
xima.

LXIIII.

Primus itaq; est Menandrianorum , qui dicunt Spiritus
renouationem esse resurrectionem carnis. 2. Chiliastarum, qui
vitam æternam in corporis voluptatibus, mille annis in his terris
duraturis, collocant. 3. Libertinorum, qui negant aliam vi-
tam hominibus datam , quàm quæ sit cum bestiis communis.
4. Est eorum, qui opinati sunt, hanc regenerationem, non fieri
in Spiritu aut mente hominis : sed in corpore, cuius vires ita re-
dintegrarentur : vt postea multo diutius viuerent , quam fuisse
Nicodemi opinionem apparet Ioh. 3.

Hæc

*Hæc habuimus quæ proponeremus de significatis & no-
tionibus vocabuli vitæ: de hominis vita duplici: de erroribus
veræ sententiæ aduersantibus. Deus accendat in mentibus
nostris veram lucem, qua & vitæ nostræ breuitatem, eius
causas & remedia rectè intelligamus, vt tandem in
altera vita, quæ verè vita dicenda est,
comperiamur in electorum
omnium cœtu.*



